

## ხელშეკრულება სახელმწიფო შესყიდვის შესახებ №14

ქ. თერჯოლა

2 თებერვალი 2017 წელი

### 1. ხელშეკრულების დამდები მხარეები

ერთის მხრივ ა(ა)იპ „თერჯოლის სკოლამდელი აღზრდის მუნიციპალური ცენტრი“, წარმოდგენილი მისი დირექტორის მაია თორთლაძის სახით (შემდგომში “შემსყიდველი”) და მეორეს მხრივ შპს „ნება“, წარმოდგენილი მისი დირექტორის ტატო იდოიძის (შემდგომში „მიმწოდებელი“) სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

### 2. ხელშეკრულების (შესყიდვის) ობიექტი, შესყიდვის საშუალება,

(ხელშეკრულების ღირებულება და ხელშეკრულების მოქმედების ვადა)

2.1 ხელშეკრულების (შესყიდვის) ობიექტია: სხვადასხვა საკვები პროდუქტის შესყიდვა, რომელიც მოცემულია მიმწოდებლის ფასების ცხრილში, თან ერთვის ხელშეკრულებას და წარმოადგენს მის განუყოფელ ნაწილს.

2.2 შესყიდვის საშუალება - გამარტივებული ელექტრონული ტენდერი აუქციონის გარეშე.

2.3 გამ. ელექტრონული ტენდერის აუქციონის გარეშე განცხადების ნომერი - NAT170000447;

2.4 ხელშეკრულების საერთო ღირებულება შეადგენს **17427** ლარს, ყველა გადასახადის ჩათვლით;

2.5 კლასიფიკატორის კოდი 15800000;

2.6 ხელშეკრულება ძალაშია ხელშეკრულების დადებიდან 2017 წლის 31 აგვისტომდე.

### 3. შესყიდვის ობიექტის მიწოდების პირობები

3.1 საქონლის მიწოდება განხორციელდება ეტაპობრივად, შემსყიდველის მოთხოვნის საფუძველზე – ტექნიკური დავალების შესაბამისად, რომელიც წარმოადგენს ხელშეკრულების განუყოფელ ნაწილს.

3.2 მიმწოდებელი უზრუნველყოფს საკუთარი ხარჯებით, საქონლის მიწოდებას შემსყიდველის მიერ მითითებულ მისამართზე (დანართი #3), რომელიც წარმოადგენს ხელშეკრულების განუყოფელ ნაწილს.

3.3 მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

### 4. შესყიდვის ობიექტის ხარისხი

4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს კვების პროდუქტების ხარისხისა და უსაფრთხოების სანიტარული წესებსა და ნორმებს.

### 5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოცადონ საქონელი, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის განხორციელებისათვის აუცილებელი პერსონალის და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ა(ა)იპ „თერჯოლის სკოლამდელი აღზრდის მუნიციპალური ცენტრი“-ის თანამშრომლები.

## **6. შესყიდვის ობიექტის მიღება-ჩაბარების წესი**

6.1 შესყიდვის ობიექტის მიღება-ჩაბარება განხორციელდება ეტაპობრივად, საქონლის მიწოდებისას მიმწოდებლისა და შემსყიდველის უფლებამოსილი წარმომადგენლებს შორის სასაქონლო ზედნადების გაფორმებით და მის საფუძველზე გაფორმებული მიღება-ჩაბარების აქტის მეშვეობით (შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირებს წარმოადგენენ წინამდებარე ხელშეკრულების მე-5 მუხლის 5.4 პუნქტში მითითებული პირები).

## **7. ანგარიშსწორება და ანგარიშსწორების ვალუტა**

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება მოხდება ეტაპობრივად, თვეში ორჯერ საქონლის მიწოდების დამადასტურებელი დოკუმენტაციის (მიღება-ჩაბარების აქტი) წარმოდგენის საფუძველზე.

## **8. ხელშეკრულების პირობების შეუსრულებლობა**

(საჯარიმო სანქციები, ფორმა, ოდენობა, და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შემთხვევაში მიმწოდებელს დაეკისრება ჯარიმის გადახდა (გარდა მიწოდების ვადის დარღვევისა) ყოველ ჯერზე ხელშეკრულების ღირებულების 0,10%-ის ოდენობიდან.

8.3 ხელშეკრულებით ნაკისრი ვალდებულებების შეუსრულებლობის, არაჯეროვნად შესრულების ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ხელშეკრულების ღირებულების 0,10%-ის ოდენობით. ხოლო, თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებელი ნაწილის 10%-ს.

8.4 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 1 თვეში.

8.5 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

## **9. ხელშეკრულების შეწყვეტა**

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულებლის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით. ხელშეკრულების შეწყვეტის შემთხვევაში მიმწოდებელს დაეკისრება ჯარიმა ხელშეკრულების საერთო ღირებულების 10%-ის ოდენობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ აგრეთვე:

- ა) მიმწოდებლის მიერ ხელშეკრულებით ნაკისრი ვალდებულებების ერთხელ დარღვევის შემთხვევაში;
- ბ) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- გ) საქართველოს კანონმდებლობით გათვალისწინებულ სხვა შემთხვევებში.

## 10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს- მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2 ამ მუხლის მიზნებისათვის 'ფორს-მაჟორი' ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

## 11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია წერილობით. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

## 12. უფლებების გადაცემა

12.1 მიმწოდებელი ვალდებულია შემსყიდველს წარუდგინოს წერილობითი განცხადება მესამე პირისათვის მთლიანი ან დარჩენილი უფლება-მოვალეობების გადაცემის თაობაზე, აგრეთვე, მესამე პირის წერილობითი თანხმობა ხელშეკრულებით განსაზღვრული მთლიანი ან დარჩენილი ვალდებულებების შესრულების თაობაზე.

12.2 მიმწოდებელს არა აქვს უფლება მხარეთა (შემსყიდველი - მიმწოდებელი - მესამე პირი) წერილობითი შეთანხმების გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

12.3 უფლება-მოვალეობების გადაცემა ფორმდება მხარეთა წერილობითი შეთანხმებით (შემსყიდველი - მიმწოდებელი - მესამე პირი).

### **13. ფასები**

13.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

13.2 ხელშეკრულების ჯამური ღირებულება შეიძლება შეიცვალოს შემსყიდველის მხრიდან

ფაქტიურად შეძენილი საქონლის რაოდენობიდან გამომდინარე.

13.3 ხელშეკრულების ჯამური ღირებულება შეიცავს შემსყიდველის მიერ საქართველოს

კანონმდებლობით გათვალისწინებულ ყველა გადასახადს.

13.4 მხარეთა შეთანხმებით დასაშვებია ხელშეკრულების ღირებულების შეცვლა.

13.5 ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

13.6 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობის გაზრდა.

13.7 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

### **14. ურთიერთობა ხელშეკრულების დამდებ მხარეებს შორის**

14.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის ან ფაქსის გაგზავნის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით.

14.2 შეტყობინება შედის ძალაში ადრესატის მიერ მისი მიღების დღეს.

### **15. სადაო საკითხების გადაწყვეტა**

15.1 ხელშეკრულების დამდები მხარეები თანხმდებიან მასზე, რომ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ, შესაძლებელია გადაწყდეს მხარეთა გონივრული შეთანხმებით ან/და მოგვარდეს პირდაპირი არაოფიციალური მოლაპარაკებების მეშვეობით სამართლიანობის ფარგლებში.

15.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების თაობაზე შეთანხმებას, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს.

15.3 ინტელექტუალურ საკუთრებასთან დაკავშირებული უფლებებით გათვალისწინებული ვალდებულებების დაცვა და ამ უფლებების გამოყენების პროცესში წარმოშობილი დავების მოგვარება ეკისრება მიმწოდებელს

15.4 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

15.5 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

#### 16. სხვა პირობები

16.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2. ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ერთი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

#### 17. მხარეთა იურიდიული რეკვიზიტები

##### შემსყიდველი:

თერჯოლის სკოლამდელი აღზრდის

მუნიციპალური ცენტრი

მის.: ქ. თერჯოლა, შოთაძის ქ. №6


ს/კ.: 231948863

ბაზინის ერთიანი ანგარიში: 204931440

სახ.ბაზინა: TRESGE22

ანგ: GE24NB0330100200165022

დირექტორი მაია თორთლაძე





##### მიმწოდებელი:

შპს „ნება“

მის.: აბასთუმანი, რუსთაველის ქ. #64


ს/კ.: 422722575

ა/ნ.: GE 27 LB0 113 126 0788 77000

ბანკი: სს „ლიბერთი ბანკი“

ბანკის კოდი: LBRTGE22

დირექტორი ტატო დოიძე



## ტექნიკური დავალება

### 1. შესყიდვის ობიექტი:

ა) ა(ა)იპ „თერჯოლის სკოლამდელი აღზრდის მუნიციპალური ცენტრის“-ს ფილიალებში (26 საბავშვო ბაგა-ბაღი; მის: დანართი #2) მოსიარულე აღსაზრდელთა კონტიგენტისათვის **სხვადასხვა საკვები პროდუქტების** შესყიდვა.

დანართი №1

### შესყიდვის ობიექტის რაოდენობა, ტექნიკური და ხარისხობრივი მახასიათებლები:

| საკვები პროდუქტის დასახელება; ტექნიკური და ხარისხობრივი მახასიათებლები                                                                                                                                                                   | CPV კოდი         | განზომილება | რაოდენობა | მიწოდების პერიოდულობა |
|------------------------------------------------------------------------------------------------------------------------------------------------------------------------------------------------------------------------------------------|------------------|-------------|-----------|-----------------------|
| <b>შაქარი</b> _მშრალი, ნესტის გარეშე, უცხო ნაწილაკებისა და მინარევების გარეშე, დაფასოვებული სხვადასხვა წონის მიხედვით.                                                                                                                   | <b>15831000</b>  | კგ          | 2677      | ორ კვირაში ერთჯერ     |
| <b>მაკარონი</b> _უმაღლესი ხარისხის, ფერი მოყვითალო, ობისა და ნესტის სუნის გარეშე, მთელი მაკარონის წილობრივი მასა უნდა შეადგენდეს 100%. დაფასოვებული სხვადასხვა წონის მიხედვით, შეფუთული ქარხნული წესით, მინიშნებული ვარგისიანობის ვადით. | <b>15851100</b>  | კგ          | 383       | ორ კვირაში ერთჯერ     |
| <b>ორცხობილა-ნამცხვარი</b> _ 25-50 გრამიანი, ტკბილი, რბილი, შემსყიდველის მოთხოვნის საფუძველზე შესაძლებელია ნამცხვრის სახეობების ცვლილება.                                                                                                | <b>15820000</b>  | კგ          | 850       | ორ კვირაში ერთჯერ     |
| <b>მარილი</b> _იოდირებული, უმაღლესი ხარისხის, არა ნესტიანი, უცხო ნაწილაკების და მინერალების გარეშე, დაფასოვებული მინიშნებული ვარგისიანობის ვადით.                                                                                        | <b>15872400</b>  | კგ          | 446       | ორ კვირაში ერთჯერ     |
| <b>ჩაი</b> _უმაღლესი ხარისხის, სხვადასხვა ხილის დასაყენებელი ჩაი, ფოთლოვანი, სუფთა, არ უნდა ქონდეს ნესტის და ობის სუნი, მტვრის გარეშე, არ უნდა შეიცავდეს ქიმიურ საღებავებს და ემულგატორებს.                                              | <b>15863200,</b> | კგ          | 90        | ორ კვირაში ერთჯერ     |
| <b>საფუარი</b> _უმაღლესი ხარისხის, უცხო ნაწილაკების, ინგრედიენტების, ობის და ნესტის სუნის გარეშე, დაფასოვებული ქარხნულად ვარგისიანობის ვადით.                                                                                            | <b>15898000</b>  | კგ          | 3,400     | ორ კვირაში ერთჯერ     |

- შესყიდვის მოცემული რაოდენობა არის ზღვრული, რომელიც შეიძლება შემცირდეს საბავშვო ბაგა-ბაღებში ფაქტიურად გამოცხადებულ ბავშვთა რაოდენობის საფუძველზე. საკვებ პროდუქტზე მოთხოვნა ხდება მთელი წლის განმავლობაში ეტაპობრივად (ელექტრონული შეტყობინებით).

ა(ა)იპ თერჯოლის სკოლამდელი აღზრდის მუნიციპალური ცენტრის ფილიალების მისამართები:

1. თერჯოლის N1 საბავშვო ბაგა-ბაღი,მის.: რუსთაველის ქ.N78
2. თერჯოლის N2 საბავშვო ბაგა-ბაღი,მის.: რუსთაველის ქ.N129
3. თერჯოლის N3 საბავშვო ბაგა-ბაღი,მის.: ოთხი ძმის ქ.N13
4. სიქთარვის საბავშვო ბაგა-ბაღი,მის.: სოფ.სიქთარვა - მუნიციპალიტეტის ცენტრიდან მანძილი 5 კმ.
5. ღვანკითის საბავშვო ბაგა-ბაღი, მის.: სოფ. ღვანკითი - მუნიციპალიტეტის ცენტრიდან მანძილი 2კმ.
6. ჩხარის საბავშვო ბაგა-ბაღი, მის.: სოფ. ჩხარი - მუნიციპალიტეტის ცენტრიდან მანძილი 9კმ.
7. ნახშირღელის საბავშვო ბაგა-ბაღი, მის.: სოფ.ნახშირღელე -მუნიციპალიტეტის ცენტრიდან მანძილი 25კმ.
8. ბარდუბნის N2 საბავშვო ბაგა-ბაღი, მის.: სოფ.ბარდუბანი - მუნიციპალიტეტის ცენტრიდან მანძილი 13კმ
9. ზდ. საზანოს ბაღი, მის.: სოფ.ზდ.საზანო - მუნიციპალიტეტის ცენტრიდან მანძილი 16 კმ.
10. ქვ.სიმონეის ბაღი, მის.: სოფ. ქვ.სიმონეთი - მუნიციპალიტეტის ცენტრიდან მანძილი 15 კმ.
11. ზდ.სიმონეთის ბაღი, მის.: სოფ.ზდ.სიმონეთი - მუნიციპალიტეტის ცენტრიდან მანძილი 16 კმ
12. კვახჭირის საბავშვო ბაღი,მის.: სოფ.კვახჭირი - მუნიციპალიტეტის ცენტრიდან მანძილი 30 კმ
13. ჭოგნარის საბავშვო ბაღი, მის.: სოფ.ჭოგნარი - მუნიციპალიტეტის ცენტრიდან მანძილი 20 კმ
14. ბარდუბნის N1 საბავშვო ბაღი, მის.: სოფ.ბარდუბანი- მუნიციპალიტეტის ცენტრიდან მანძილი 14 კმ.
15. ახალთერჯოლის საბავშვო ბაღი, მის.: სოფ.ახალთერჯოლა-მუნიციპალიტეტის ცენტრიდან მანძილი 5 კმ.
16. რუფოთის საბავშვო ბაღი, მის.: სოფ.რუფოთი - მუნიციპალიტეტის ცენტრიდან მანძილი 7 კმ.
17. მეტლახის საბავშვო ბაგა-ბაღი, მის.: სოფ. ახალთერჯოლა -მუნიციპალიტეტის ცენტრიდან მანძილი 5 კმ
18. თუზის საბავშვო ბაღი, მის.: სოფ.თუზი - მუნიციპალიტეტის ცენტრიდან მანძილი 20 კმ
19. ძეგრის საბავშვო ბაღი, მის.: სოფ.ძეგრი - მუნიციპალიტეტის ცენტრიდან მანძილი 11 კმ.
20. ეწრის საბავშვო ბაღი, მის.: სოფ.ეწერი - მუნიციპალიტეტის ცენტრიდან მანძილი 15 კმ.
21. ზდ.ალისუბნის ბაღი, მის.: სოფ.ალისუბანი - მუნიციპალიტეტის ცენტრიდან მანძილი 12 კმ.
22. გოდოგნის საბავშვო ბაღი, მის.: სოფ. გოდოგანი - მუნიციპალიტეტის ცენტრიდან მანძილი 25 კმ.
23. ნაგარევის ბაღი, მის.: სოფ. გოდოგანი - მუნიციპალიტეტის ცენტრიდან მანძილი 28 კმ.
24. 1 მაისის ბაღი, მის.: სოფ.საზანო (26 კომისრები) - მუნიციპალიტეტის ცენტრიდან მანძილი 21 კმ.
25. გოგნის საბავშვო ბაღი, მის.: სოფ. გოგნი - მუნიციპალიტეტის ცენტრიდან მანძილი 15 კმ.
26. ქვ. ალისუბნის ბაღი, მის.: სოფ. ქვ. ალისუბანი - მუნიციპალიტეტის ცენტრიდან მანძილი 6 კმ.

## 2. მიწოდების პირობები, ვადები და ადგილი:

საქონლის მიწოდება უნდა განხორციელდეს ეტაპობრივად, ორ კვირაში ერთჯერ, მოთხოვნის შესაბამისად, ხელშეკრულების ძალაში შესვლიდან 2017 წლის 31 ივლისამდე დასვენების დღეებისა და არდადეგების გარდა თერჯოლის მუნიციპალიტეტის ტერიტორიაზე არსებული 26 საბავშვო ბაგა-ბაღში. (მის.: იხ.დანართი №2).

## 3. ხელშეკრულების აუცილებელი პირობები.

3.1. საკვები პროდუქტების ხარისხი უნდა შეესაბამებოდეს საქართველოს შრომის, ჯანმრთელობისა და სოციალური დაცვის მინისტრის 2001 წლის 16.08 №301/ნ ბრძანების, სასურსათო ნედლეულისა და კვების პროდუქტების ხარისხისა და უსაფრთხოების სანიტარული წესები და ნორმებისა და 2013 წლის 31 დეკემბრის საქართველოს მთავრობის №441 დადგენილების მოთხოვნებს.

3.2. შემსყიდველის წერილობითი მოთხოვნის შემთხვევაში მიმწოდებელი ვალდებულია წარმოადგინოს ფილიალებში მიწოდებულ საკვები პროდუქტების ნიმუშზე „აკრედიტაციის ერთიანი ეროვნული ორგანოს-აკრედიტაციის ცენტრის“, აკრედიტირებული ლაბორატორიის საგამოცდო ოქმი ან და საქართველოს სოფლის მეურნეობის სამინისტროს ლაბორატორიის მიერ გაცემული დასკვნა, რომლითაც დადასტურდება საკვები პროდუქტების ვარგისიანობა და შესაბამისობა ტექნიკურ დავალებებში მოცემულ ტექნიკურ და ხარისხობრივ მაჩვენებლებთან.

3.3. საკვები პროდუქტების შენახვისა და ტრანსპორტირებისას დაცული უნდა იქნას სანიტარული წესებისა და ნორმების მოთხოვნები.

## 4. ანგარიშსწორების პირობები:

ა) სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის და ხარჯის (მათ შორის ტრანსპორტის ხარჯი) გათვალისწინებით.

ბ) ანგარიშსწორება მოხდება უნაღდო ანგარიშსწორებით ლარებში.

გ) ანგარიშსწორება მოხდება ეტაპობრივად, თვეში ორჯერ, წარმოდგენილი საქონლის მიწოდების დამადასტურებელი დოკუმენტაციის ზედნადები/ანგარიშფაქტურა/მიღება-ჩაბარების აქტის გაფორმების საფუძველზე 10 სამუშაო დღის ვადაში.

დ) საავანსო ანგარიშსწორება-არ გამოიყენება.


ე) ხელშეკრულების უზრუნველყოფის საბანკო გარანტია-არ გამოიყენება.

შემსყიდველი:

თერჯოლის სკოლამდელი აღზრდის

მუნიციპალური ცენტრი

დირექტორი მაია თორთლაძე



მიმწოდებელი:

შპს „ნება“

დირექტორი ტატო ილიძე

პრეტენდენტის დასახელება: შ.პ.ს. ნება

ფორმა №2

ფასების ცხრილი


| შესყიდვის<br>ობიექტი    | შესყიდვის<br>ობიექტის<br>მახასიათებლები:<br>ტექნიკური და<br>ხარისხობრივი<br>აღწერა                                                                                                                                              | წარმოშობის<br>ქვეყანა | შპს-მომცემის<br>კომპანია/შპს-მომცემლის<br>მფლობელობა (ასეთის<br>არსებობის<br>შემთხვევაში) | განზომილების<br>ერთეული | რაოდენობა | ერთეულის<br>ფასი | საერთო<br>ღირებულება | მიწოდების<br>ვადა/პერიოდობა,<br>მიწოდების<br>ადგილი |
|-------------------------|---------------------------------------------------------------------------------------------------------------------------------------------------------------------------------------------------------------------------------|-----------------------|-------------------------------------------------------------------------------------------|-------------------------|-----------|------------------|----------------------|-----------------------------------------------------|
| 1                       | 2                                                                                                                                                                                                                               | 3                     | 4                                                                                         |                         | 5         | 6                | 7                    | 8                                                   |
| შაქარი                  | შშრალი, ნესტის გარეშე, უცხო ნაწილაკებისა და<br>მინარეების გარეშე, დაფასებული სხვადასხვა<br>წონის მიხედვით                                                                                                                       | საქართველო            | აგარა                                                                                     | კგ                      | 2677      | 3                | 8031                 | ორ კვირაში<br>ერთჯერ                                |
| მაკარონი                | უმაღლესი ხარისხის, ფერი მოყვითალო, ობისა და<br>ნესტის სუნის გარეშე, მთელი მაკარონის წილობრივი<br>მასა უნდა შეადგენდეს 100%. დაფასებული<br>სხვადასხვა წონის მიხედვით, შეფუთული ქარხნული<br>წესით, მინიშნული ვარგისიანობის ვადით. | უკრაინა               | კორონა                                                                                    | კგ                      | 383       | 3                | 1149                 | ორ კვირაში<br>ერთჯერ                                |
| ორცხობილო<br>ანამცხვარი | 25-50 გრამიანი, ტკბილი, რბილი, შემსყიდველის<br>მოთხოვნის საფუძველზე შესაძლებელია ნამცხვრის<br>სახეობების ცვლილება                                                                                                               | საქართველო            | ტკბილი ქვეყანა                                                                            | კგ                      | 850       | 7                | 5950                 | ორ კვირაში<br>ერთჯერ                                |
| მარილი                  | იოდირებული, უმაღლესი ხარისხის, არა ნესტიანი,<br>უცხო ნაწილაკების და მინერალების გარეშე,<br>დაფასებული მინიშნული ვარგისიანობის ვადით                                                                                             | უკრაინა               | არტემსოლი                                                                                 | კგ                      | 446       | 1                | 446                  | ორ კვირაში<br>ერთჯერ                                |
| ჩაი                     | უმაღლესი ხარისხის, სხვადასხვა ხილის<br>დასაყენებელი ჩაი, ფოთლოვანი, სუფთა, არ უნდა<br>ქონდეს ნესტის და ობის სუნის, მტვრის გარეშე, არ უნდა<br>შეიცავდეს ქიმიურ საღებავებს და ემულგატორებს.                                       | საქართველო            | ტრადიცია                                                                                  | კგ                      | 90        | 20               | 1800                 | ორ კვირაში<br>ერთჯერ                                |
| საფუარი                 | უმაღლესი ხარისხის, უცხო<br>ნაწილაკების, ინგრედიენტების, ობის და<br>ნესტის სუნის გარეშე, დაფასებული<br>ქარხნულად ვარგისიანობის ვადით                                                                                             | ირანი                 | ფარიმანი                                                                                  | კგ                      | 3,4       | 15               | 51                   | ორ კვირაში<br>ერთჯერ                                |
| 17427                   |                                                                                                                                                                                                                                 |                       |                                                                                           |                         |           |                  |                      |                                                     |

შ.პ.ს. "ნება"

(პრეტენდენტის დასახელება)

ტატო ილიძე, დირექტორი

(სახელი, გვარი, თანამდებობა)



(ხელმოწერა)